



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三五三

頻羅庵遺集十六卷 梁同書撰

一

觀穫堂文集一卷觀穫堂文鈔一卷觀穫堂詩鈔二卷 胡國濱撰

二三三

戴氏文集十卷 戴震撰

三五一

小桐廬詩草十卷 袁景輅撰

四五一

西澗草堂集四卷西澗草堂詩集四卷 閻循觀撰

五二三

染學齋詩集十卷 余元遴撰

五九一

頻羅庵遺集總目

詩三卷

集杜二卷

文四卷

題跋四卷

直語補證一卷

日貫齋塗說一卷

筆史一卷

頻羅庵遺集目錄

十

頻羅庵遺集

頻羅庵遺集卷一

錢唐梁同書

詩一

周西陳登第後銓分畿輔將引疾告歸因用旅寓

述懷元韻四篇奉贈并以錄別

名場廿載歷韋蕭壯志今看慰寂寥君自龍蛇仍澗壑

我慚雞犬亦雲霄漫投爨下焦桐尾小試花前挂綬腰

莫怪揚州殊邑邑比量平澤定誰驍

一縑未辦駕柴車徑向江頭作老漁愛熱始知真是拙

談書畢竟未全疎斗升豈足羈何須旌節無煩下李璠

猶有故人愁遠道輪君從此反常閒

指孫柳樊山右之游

頻羅庵遺集卷一

十

漫說門庭聚邸鄔一枝遠寄未謀安邱公祇爲縱橫憤

溫老終因遁峭難樹蓄泉棲空自量蜩嘲鴟嚇任相干

生平我亦同嵇懶幸免相逢割席看

豈期身世隱蓬蒿謝病端知是愛閒久客賣文空薦馬

長飢乞米更書顏由來造物偏兒戲笑說求官亦老慙

萍聚天涯渾不易長歌痛飲定能嫻

西陳將之官直隸又疊前韻送之

底須辛苦歎焦蕭世事榮枯付汶寥几案才原歸大雅

宰官身本現浮霄亦知無地堪投足且自從人覓折腰

一曲騷歌正愁絕眼看征馬又驍驍

長遣奴星結柳車家貧生計似樵漁名知毛義爲親出
誰識嵇康與世疎未必方員便鑿柄何妨磨涅是璠璵

石湖詩聖磨無改是璠璵

三遷試擬閒居賦絲竹升軒勝倚間

鳴琴覽爾學邯鄲基局全憑後著安得路羽毛爭比健
謀身梁稻豈眞難捕鷃一任窮騷騷補履何曾挫莫干
却笑提車空寂寂形騶贏得道旁看

官曹誰說是荆菅宦海浮樞總等閒手板脚鞋今日夢
隱囊紗帽去時顏山資足矣歸宜早鶴料多乎意本慳
遙指江梅詩興動使君春事一番嬾

王穀原既用西隊旅寓地懷韻見贈旋移寓汪司
頻羅庵遺集卷一

空第又疊前韻四首畱別做齋因依數奉答

荒齋一榻愧題蕭幸得相逢破鬱鬱獻賦揚雄猶執戟

裁書王且本凌霄詩班未苦三千丈鶴夢空驚十萬腰

一蹙青雲須自造有同驚馬漫爭馳

待詔來隨計吏車此身未許狎樵漁名材宜爲風塵誤

駿骨翻疑遇合疎却要酒杯澆魂壘何妨布褐被璠璵

明年鶴髮春爭健好補華筌傷芷閭

其明年尊甫先生八十初度數原擬

爲壽

人間萬事等邯鄲離合都憑一夢安踪跡絮泥飛又定
請予此次爲情懷燕鴈聚偏難

柳樊西隊或就館或年畱殊出意外之官皆一時散去

來共宅虛周北

戊辰庚午辛未西歷俱下榻敝齋

此後論詩有老子只

尺莫同千里遠新篇次第爲傳看

寒風獵獵響霜官賓閣遙知塵尾閒貝葉樟皮皆慧業
穀原嘗手寫金剛經離騷美酒稱清顏壁間有句曹邦陋

穀原特疥其寓壁

耳畔無人魯語怪

聞新寓無一鄉人故用石湖語慙愧輒

頻下汲拈來競病摠輪囷

癸酉六月十三日雨後注水二甕以施耦堂所遺

龍井芽淪之餉客適徐水篆送湖州筍脯至遂出

以供茗飲同用東坡試院煎茶韻紀其事

睡龍欲醒長風生萬个銀竹排檐鳴主人好事急展庭

頻羅庵遺集卷一

際慢仿佛匹練倒注飛流輕不要中冷惠山品一二獨

三

許吾曹知此意活火應須石炭煎龍芽如啜故山泉君

不見醉吟翁有人寄茶自西蜀七字詩成瀉珠玉又不

見甫里先生常忍飢置園願渚之山眉何來剝啄遺我

玉版筍開纖一笑猶有煙霞隨嗟乎熊魚自古不兼得

况乃插腳十丈輦紅塵土時

鵬月三日病中同耦堂園爐煮雪用尖義韻二首

頭番鵬雪試纖纖乞與詩腸闕苦嚴客爲深添商陸火

僅分滿掬水精鹽清堆細浪遲魚眼風押輕煙亞雀檐

只有病夫籠手坐如槌十指怕舒尖

長夜驚栖似凍鴉耳邊默數過門車浮生始悟湯中雪
幻境真成孔面花冰樣頭銜殊稱我病餘風味况離家
吟成自揭窻櫺看庭樹分張玉畫叉

病不能寐枕上雜成八首仍疊前韻

經旬閣筆退鋒纖况是蘇家律更嚴疆韻漫思拈去病
苦吟應笑刻無鹽閒聽似策風鳴鼎愁對如梳月挂檐
莫說年來會鐵憤峭寒不奈五更尖

愈疾何須有四牙重煩問訊故人車一九正藉消摩藥
時陸明溪丈室誰持供養花點勘誤書成小適安排難
惠九藥字愧方家朝來且喜風霾靜向日簾櫳且倩義

頻羅庵遺集

卷一

四

坐久渾忘月色纖蓼蓼街鼓又三嚴愁來大好親書卷
貧到無煩計米鹽此日閉門成却軌幾時炙背罷巡檐
自憐疎懶生來慣怕說頭顱似筆尖

人海黃塵似鬧鴉雞栖一半出無車故園已過開爐節
京國重逢撒佛花清水灣頭閒釣艇憶與柳白雲深處

護僧家上白雲堂天竺恒上人方丈也眼前舊雨能來否自有青銅付

畫叉

纔添日腳綫痕纖靜裏消磨老與嚴禪悅情懷隨粥飯
病閒時節樂蕭鹽自從雪意烘晴晝便有禽聲到畫檐
準擬出門騎馬去西山一角擁青尖

世緣擾擾漫查牙何日還乘薄笨車未礙多情夢春草
祇慚無語頌梅花人從塵海來爲客我自明湖舊有家
若許漁師江上住歸途誰畏遠三義

帶圍減却笑腰纖病覺寒威逼歲嚴近事休文唯數米
向來相邁不堪鹽破煩欲致茶千斛貪睡常過日牛檐
眼底殘年看又了春風番次破花尖

右臂偏枯字點鴉絕憐癡坐類泥車衣塵費浣愁萱艸
足力禁寒護荻花書債隔年猶積校詩魔撩睡不成家
如今學得慵方法白晝何須守野義

冬閨用唐女史光威哀聯句韻

頻羅庵遺集

卷一

五

貼梅妝閣寒銷九咏絮庭階句占三銀蒜押來沈翠幕
雪花煎處點紅衫用東坡雪中夢美人煎茶事錦囊旖旎螭連佩簫

局玲瓏鳳倒銜身裏重綿肥似婢天生壯髮美于男剪
刀罷弄休嫌怯衣袖障風不是慙鳬藻深溫情脈脈蟲

釵輕顫話喃喃慵添日綫先拋繡笑折冰條可耐簪凍
暈烘潮餘醉在春尖蹙黛爲愁舍無題好補冬郎腹春

集無冬閨低唱難教學士諳媛玉作園呼伴賭溫黃頻炙晴
君叅漫拈樵悴醺醺脂莫孽酸辛桂海甘最是惱人消
息斷去鴻隔歲返江南

臘八日喫粥同人集味初齋限八字

節物屆嘉平風景逾清察客舍靜作緣寧判塵與剎我
聞抱持園水湛浴池八布以淨妙華濯此無垢圻吾曹
苦俗纏歲晚事澡刷酒人三五來著屐不用轄暖寒野
外供冷淡方內恕自稱病維摩經句厭烹殺壓藥趁小
強一噉如餓鶴莫嫌惡客同米汁不解啗喜飲癖過蘇
頗欲逞獐猾須臾燭施墮溼墨座飛札微意各有叅慧
業皆獨拔嗟予舌井枯細聲類嘲嘶安得寶金鑊頓使
病膜刮爲我揖故人應憶詩語點楊誠齋詩人只言點犯之取飢寒
耦堂移寓孫宅詩以代簡卽用尖義韻

心朋結託謝塵纖莫漫相逢禮數嚴聚散略如鴻印雪
頻羅庵遺集卷一

六

年華又見蝶飛鹽梁簡文雪詩粉蝶亂飛鹽檄能愈疾添題壁詩欲
尋醫數遠檐聞說西山閒特甚施肩吾號西山寒髭日斷幾莖
尖

文藝基書互犬牙一時將去壓輕車酸風送客頻吹葍
急雪催詩特舞花土室長懸徐孺榻岸舟今指晉平家
聞所居舟屋枯腸饒歲慙新句預約蔬盤試八義除夕約過微齋

祀竈日

僕指京華住重看竈帝迎餅無請鄰酒盤有戲兒餽貧
豈因人熱愁多爲病擾殘年催節物臘鼓聽聲聲
病中謝金國惠贈地黃鹿脯并系以詩卽依韻報

謝

一檄飛來玉籍仙頓教宿疾脫塵緣破除世上熊蛙食
分養山中草木年長慶清吟難屬和香山有採地黃者詩孝威儼
句更誰傳梁劉孝威有謝鹿脯啓憐予風雪關門坐擬待春燈訪
竹邊

除夕

珍重長筵燭遲閒情收拾付紅絲懶教夜半求如願
笑看燈前拜阿宜一輩晨昏萊子夢兩年兄弟杜陵詩
無多殘臘堂堂去又耐寒風著意吹

甲戌正月六日喜耦堂過味初齋畱宿并讀除夕

頻羅庵遺集卷一

七

詩甚佳卽用其韻

朋話宵分續天寒臍未辭約開松葉酒先試草堂詩原
子貧兼病沈郎狂勝癡不嫌塵榻浣穢被更深期

人日同耦堂冲泉弟分韻得二蕭

良辰何處撲逍遙病後情懷特地饒已覺輕寒催短臍
不愁微雨暗連朝州堂賭飲聊三葉梅信探春定幾椒
取次閒街騎馬出試燈風裏聽鶯簫

元夕前門觀燈口占四首

細馬輕車巷陌騰好春又是一番增今宵開殺團圓月
多少游人只看燈

東風此日太豪奢花底吹笙隔絳紗芍藥牡丹無分見
砂碣兒裏看藥花

人海中間是樂棚琉璃千點火珠明金吾抵死催人去
夜半天街打五更

市門幾處鬱嵯峨踏月人歸緩緩歌紙鼓銅鑼兒女戲
一分春色太平多

題張弓一問津圖

烏篷前日渡江新却向仙源蹙息塵翻破長歌韓十八
世間星漢尚通津

莫言渡口迴迴舟徑逐漁郎一度游只恐春風關不住

頻羅庵遺集卷一

入

桃花依舊出山流

題新安汪氏雙節傳後

閨中有完人保家如保國當其屯難時所重在祖德兩
公死王事身首投異域死者不復生既死尚求食卓哉
戴與吳誓死不可得大義稱未亡屈勉視弱息寧彈別
鵲操莫化望夫石至今碧血枯凜凜雙溪側溪水鎮長
流雙節無時泐

戴孟岑移居前街有園林之勝炎晝無事常過茶
話口占二絕句

一拳瘦石半弓苔如此幽栖亦快哉却怪鄰居能藏子

亂蟬聲裏打門來

退食歸來淨客塵隱囊紗帽足閒身分明亭角陳居士

不是持螯臥麝人

時孟岑
官吏部

過孟岑雙梧亭納涼有作

吾友客京華工壑有深痼僦屋城南居賞心於此遇門
前野逕荒階下瘦石布亭亭雙青桐大葉蔽苔路我方
苦鬱蒸有若積薪厝暢好同巷人相攜踏芒屨到門誰
主賓入坐忘觸迂據梧作冥搜擊枝出健句新蟬時一
聲戛然起解悟吾家老茅屋十畝臨江步桐乳垂清泠
桐花不知數至今卅載餘鄰翁指蔬圃人生受塵縛坐
頻羅庵遺集卷一

九

使軟紅污安得靜者便而向此間住卽如日莫歸夢想
在嘉樹猶餘兩腋風已隔三里霧明日當重來煩君理
茶具

題畫綠牡丹

誰翦秋江淨碧痕溼雲飛上鬢眉根當年金谷樓頭見
小筆生香爲返魂

種竹用漁洋山人移竹韻

古人嘗鼎味盡於一臠肉我作如是觀三竿兩竿竹庭
前琅玕青倩君聊解俗丁寧了角奴保護如頭目便有
借看人足音到空谷長使伴此君人間無炎燭

倪袖潤過咏初齋見種竹拙句援筆輒成二首因

用前韻賦謝

君詩韶濩音味勝令忘肉灑灑落筆時胸自具成竹何
幸青一桁品題出塵俗吾州東南美千畝在天目脩篁
蔽幽禽綠淨光滿谷笑看籬下枝森森如列燭

爲雙梧亭主人種竹再用前韻二首

平生耐尋游如嚼唇門肉我欲看竹來爲君先補竹主
人北窗下樹石頗離俗乞此青丈夫秀潤到眉目爲語
雙桐君訂交在山谷我亦喜得鄰鑿壁情分燭

種樹覓桃橙愧彼凡眼肉不然杜陵翁胡爲斬惡竹竹
頻羅庵遺集卷一

十

固未可嫌奈竹不諧俗置之巖石間端欲避拙目善保
歲寒姿無爲怨乾谷此意誰共知明月自照燭

送吳鞠田之雲和廣文任

幾年京國滯修翰鄉味輪君首稽盤五斗終慙吾道貴
一瓊還戀舊時寒儘容薄俸供狂飲猶有貧交羨熱官
此去綠波亭外路好扶杖履看巉岼

送翟時江南歸

科名入手歸計足天遣著書成此翁檀弓兩卷言物始
晴江所著詩稿多及沙村十里五里有通俗編
陶風七月歌田功田家事路秋思一橋一水中幽人樂事不可數冥冥我羨南飛

鴻

同人集孟岑秋園迎秋分韻

秋來如有約一夜雨聲中涼意收殘暑孤懷託晚風去
人如落葉有客羨飛鴻孟岑時有名字閒園好清吟思不窮

孟岑寓園雜咏

秋園

溽暑猶未闌一夕灑涼露茲園何清曠秋氣獨紛聚主
人休沐暇蕭然謝塵務披襟延好風日涉自成趣殘蟬
咽哀絃征鴈落危柱切切蛩訴幽噉噉月流素平生感
頻羅庵遺集卷一

士

孤孺託興往來屢未工宋玉悲聊爲庚信賦

值石軒

客來本如寄相遇此突兀冷笑顛米顛終朝具袍笏

掃葉遲

一逕紛不掃啼螳何處懸江南秋漸老黃葉自成村

雙梧亭

路轉深深見亭虛面面明恠來愁思劇頭上是秋聲

半廊

逶迤步前楹且從性所玩空廊亦何有風月平分半

桐

閉門三日雨如絲多在君家百尺枝二十五聲秋點裏
夢殘添得幾番詩

槐

午餘風靜不生埃綠暗空庭一樹槐畢竟爲渠忙未了
可知我亦夢中來

榆

隱隱光生淨碧天一蟬吟處樹陰圓沈郎此日無情思
不辦花時買笑錢

合歡

東花開後合歡開贏得佳名暢好懷重向景純疏艸木

頻羅庵遺集

卷一

主

知時合配守宮槐

題高鐵嶺指畫寒枝蹲雀

古來畫師多用筆以指運筆神妙別不開善畫但使指
筆意都從指間出指膚作葉甲作榦鐵嶺之畫亦如鐵
上有寒禽更絕奇踏枝枝重勢欲折圓睛仰視翹毛拳
似帶霜風吹凜凜枯枝棘雀何足云一指辟易黃與薛
世間妙技不可知非指喻指乃無匹君不見張顒醉墨
濡以頭又不見郭熙手搶凹凸成林工試並他年作神
物莫汗桓元寒具油

新竹生筍東孟岑

頻羅庵遺集

昨朝雨洗土花破忽見數枝石角斜纖纖瘦似東核筆
敢戢短於蘆荻芽教護預防兒輩覺走報輒向詩人誇
誠齋自具看筍句對此滿啜吳興茶

題朱某相馬圖

驂駟凋喪病不肥俗馬多肉亦見嗤馬肥馬瘦兩無準
杜陵之語吾疑之世間萬事盡如此何況凡眼顛倒隨
其私卽今苑廐皆驚下安得渥洼萬匹供驅馳嗚呼秦
豎管青不世有有亦掉首空嗟咨先生真有支遁癖欲
於衆中求權奇神妙不辨牝與牡皮相一任喧里兒豈
不知龍髻鳳臆乃是紙上語畫馬相馬聊自怡

頻羅庵遺集

卷一

主

送孟岑假歸蕪湖

軟紅何日息塵機看子朝衣換芰衣蕭十豈因郎省久
阮生端爲步兵歸山頭築室邀空翠蕪湖藉山有嶺翠軒黃浩翁讀書處
也江上然犀照斷磯便有秋園畱不得霜鴻只愛向南
飛

相逢衮衮意如何知已天涯一載過偏仄最憐南北巷
寂寥無奈短長歌江湖得句秋逾健李郭同舟興轉多
時偕穀時偕穀倘憶春明門外客莫教雙鯉隔通波

題汪某喜雨圖

炎官張威旱魃虐高田黃埃下田涸村農踏車肩背焦

白汗不換天一瓢天公亦念民力苦鞭醒癡龍作雲雨
禾頭一霎青凡凡千畦萬畦歡聲同嗚呼不雨則憂得
雨喜待得喜時憂欲死焉知十日不愁霖又結秋風茅
屋心吾曹日盜太倉粟四體不勞慙飽腹看君圖畫重
嗟春明日歸來買黃犢

答孫容齋寄懷元韻二首

生平無意逐熊魚自分才華百不如杜甫祇慙朋友問
嵇康久缺報酬書秋風茅屋成前夢夜雨春明感獨居
莫怪頻年疏懶甚敢忘世外舊樵漁

千里詩筒三尺魚故人情誼復誰如料因磊塊頻澆酒
頻羅庵遺集卷一

古

不爲窮愁亦著書門外解嘲多弟子室中靜對老田居
語君莫作升沈看小住還同背水漁

葉函齋自粵被議來京見示書懷一絕依韻和之
未許官身逐夢闌又從塵海走漫漫相逢一笑丹陽尹
贏得檳榔貯滿盤

答陳寶所戲簡之作

三年塵榻伴低迷愛聽寒城午夜雞未免怨他林處士
梅花冷淡作山妻

尊前也負十年狂絲竹終嫌樂事妨莫倚閒情賦長笛
吳兒木石是心腸

寶所以木瓜詩見示戲柬一絕

風人詩句賦偏工酸楚何曾到客衷一沐正須閒五日
消他泥粉午窗中

題陸氏寒山舊廬圖用龍眠張相國元韻二首

廿年飲谷復栖工老輩風騷繼陸游隱跡幾曾妨入市
仙家多半好居樓人從樹杪依微見泉帶潮聲斷續流
撩我披圖鄉思切年年南望白雲愁

摩空三字壓嵌工石壁有來鳳岡三字明馬三才書相國題詩當紀游

負郭且營五畝宅依山還起一層樓西園風雅徵嘉集
南渡繇華付逝流莫上最高亭子望雲煙過眼忽詩愁

頻羅庵遺集卷一

圭

相傳韓平原
南園故址

又一首

物外逃名謝蟻工巖林結架愛栖游四圍寒壁青排闥
一髮春江白到樓夢裏玉瀾慳句和人事童時曲水記
觴流毀茶早著高人論有慈山靈猿鶴愁主人芭洲先
生不飲茶
寶所復翻用林逋事成二絕句見戲余亦舉古人

事戲答之

杜陵詩老泛清江畫舫當年意亦狂若果青霄屬眉鬢
也應拚學野鴛鴦

老鐵中年絲竹情晚從釋子懺前因須知一曲梅花弄

已哉華陽作道人

臘八日謝金圃吳雙溪王西莊陳寶所過翻轍庵
同禮明吳彬畫達摩像設粥作供限五古

佛粥憶去年諸天滿丈室

去年予在病中

今年屆浴佛行止各

相失

謂教原

障壁猶朋箋良會等一瞥顧我歲晚意愛

結舊日緣客來笑相詰無乃杜撰禪我言慧業人口業

戒所先不聞西來意真宰寧言詮試展玉畫叉共禮金

粟影半搭僧伽梨面若古井冷想見少林寺隻履到定

境咄嗟治饌具寶几陳羅閣有客工說餅而我慙煮沙

噉罷各起立合十人無諱聽說四句偈懺除入淨界豈

頻羅庵遺集

卷十

太

知解脫相已落文字械一笑呈佛前代佛說是我請自
今日始蒲褐各靜坐此義如果然佛亦無不可

徐柳樊餉盆梅哈密瓜各報以謝

三年不見林處士夢到西湖湖上寺何來熨眼兩橫枝

絕似故人瘦硬意莫嫌屈折盆盎中唐花多少慙春風

門前軟紅汗不得歲晚與爾心期同

大官掌瓜供尚方明駝萬里來燉煌天山雪重不受凍

破臍削出金鵝肪野人畜眼那見此取大空教羞入市

未曾漬口心骨清知我病饑徐孺子

除夕前一日同人集金圃聽鐘山房

城西故人好此日慙招尋軟火蹉跎意疏鐘寂歷心貧
交宜歲晚春事與杯深

時已立春

預約聯歸轄商量更苦吟

除夕用東坡守歲韻

終歲苦擾擾毒睡心中蛇人自不見耳有如一葉遮今

夕幸粗了守歲誠云何南隣與北里我以靜待譁既乏

好詩祭亦厭殘更過撥爐軟火紅困臥隨欹斜我心本

無歲胡為悲蹉跎歲去既不悲歲來猶足誇

題明楊忠愍公手書疏稿後用東坡挽韓康公三

首韻

頻羅庵遺集

卷一

七

世廟籌邊日抒忠獨小臣淒涼還狄道感泣動番人塞

上終歸馬天邊再挂紳餘生真不啻寧忍負斯民

寵餞權門熾誰明罪與勳公平真許國死矣不忘君廿

字畱孤憤千言掃亂氛當年心跡在如對讀彈文

可憐焚草意東市已成塵血灑萇弘碧魂依杜宇春鴻

毛言豈愧蛇膽色徒新凜凜諸孫舊遺悲為拭巾

題嘉善丁氏黃梅花圖用東坡嶠梅一首贈趙景

貺韻

西湖老本黃梅花倔彊下覆山人家國初以來剩枯螭

猶指嘉熙舊時物

樹為宋理宗時丁氏所植

誰其手植我未知品題

競說倪楊詩

元雲林鐵崖並有題咏

又聞香光妙繪傳後葉作記

徵君稱兩絕

明思翁作圖眉公作記圖久失去尚存

至今遺跡摧屋山蘆

塘一片空

肝眠花身畫本各化去董家重續無聲句爲今

少司空董

鳴呼靈和殿外當年人風流不墜如此君

公補圖

家文采世清越叅得黃梅卽衣盃

題柳谿漁隱圖

溪光輕漾殺紋重何處冷冷下釣筒遮斷紅衣人不見

萬條烟裏一絲風

筆牀茶竈先生宅流水桃花隱士詞儂亦柳絲鄉畔住

擡竿輪與老漁師

頻羅庵遺集

卷一

太

題杉亭覓句圖卽送其歸江寧

亭角閒披兩袖風分明居士畫圖中

何人畫出陳居士亭角尋詩兩袖風

陳簡齋句何曾苦思緣詩瘦却笑山頭戴笠翁

相遇天涯落拓人春風別緒一番新帽箱剝盡金觥敵

只有詩情買不貧

施石泉字來索題聽蕉圖寄以三絕句

艸堂屐齒幾經過一片清陰覆綠莎不種梧桐種蕉葉

芭蕉葉大得秋多

故人書法瘦通神此是羊家白練裙珍重蕭蕭窗外意

莫貪勻滑破斜紋

燕市塵沙愧薄游每逢大謝豁鄉愁不知舊雨連牀雨

一夜都來葉上不止

自君之出矣

自君之出矣幾度換春衣思君如杜宇啼殺不如歸

自君之出矣凝望月華圓思君如楊柳三起復三眠

自君之出矣親見去舟還思君如柔櫓搖不到榆關

買垂柳二株植齋前

紅杏香銷久不支青棠花落最相思

去春所植二樹皆萎

阿儂未

會春愁意又買楊枝與柳枝

七尺柔條跪地垂一分剛綻二分絲長安陌上東風淺

頻羅庵遺集

卷一

太

吹過清明綠未知

玉湖東畔漫黃塵一度關山笛裏新空怨垂楊管離別

天涯多少未歸人

乙亥三月三日同謝東君金圃施耦堂陳寶所冲

泉弟城東脩禊訪馮相國萬柳堂故址用少陵麗

人行首句分韻得三字

春烟漠漠春風酣榆莢雨妬天蔚藍青鞵閒殺正無賴

忽然西嶺吹晴嵐雨師爲試鐺被意速我雙轂城東南

郭門一帶淨埃塽麝塵絲細波光涵板橋人影晃暈亂

鵲祠村賽輪蹄參風光已過百六節上河仿佛圖中詰

我聞燕北競元已射棚走馬羣兒愁捥蘭采艾此遺意
故事誰詢鄰與朋江鄉是時好天氣栗留聲裏催眠鷺
長安游陌苦馳逐且撥塵障窮幽探徑回頗訝人跡少
但聞耳畔鐘聲錯掉頭頓失輭紅路僕夫指點居潭潭
壞牆土塹春無主山桃不言花吐含賜書樓荒蟲網漫
拍城水漲魚牀滄空堂萬柳初灰盡髡枝舞處猶鬢髮
從來舊物易零落少陵愁絕江邊相百年絲竹杳難覓
殘山剩水開僧龕僧雛童駭不解事此情却共何人談
憶昔朱老禩堂飲謂竹垞先生於此結侶停復籃園亭再過
已蔓艸我生况晚胡能堪斜陽寂寞歸意動沿緣徑策

頻羅庵遺集

卷一

五

來時驂趁墟人去仙觀閉水邊花外心彌貪蘭亭觴咏
感陳迹我亦俛仰生憂悵鼠鬚筆禿蘭紙蝕生平三十
空餘三右軍年三十韶華冉冉不可駐曲池一度春將
夢他時更約出郊去餞春綠酒攜盈甌

瓶中芍藥和寶所韻

壓檐濃香趁曉陰看花又老蝶蜂心憑燒活火扶春起
多注清泉到夜深簾外新晴光不定風前初翦力難任
絕憐一段將離意費我吟懷幾日尋時舍弟將之官蜀中

獨樹軒爲寶所作

獨樹軒前樹不死八千春秋爲終始高逾百尺大十圍

頻羅庵遺集

直聳孤根謝旁倚皮皴不受蟲蟻侵巢壤時看鸛鵲徙
主人於此開書堂斑管桃笙白桐几有時剝啄不到門
對論猶疑阮生似我來六月暑正煩青蓋童童淨于洗
昔人手植幾歲年太息摩挲伸短紙君不聞獨樹衆始
奇又不聞獨樹不林衆所毀奇者護之如室芝毀者棄
之若園杞一奇一毀樹亦危人情反復分噴喜漆園之
喻何拘墟材與不材其遇耳不然此非擁腫材而又不
生巖谷裏胡爲乎華屋山丘凡幾更爾獨巋然長若此
嗚呼吾願爾樹爲獨立不懼之君子德怨相尋亦常理
冲泉弟改任黔陽同人各賦秋柳五律贈行余亦

頻羅庵遺集

卷一

五

繼作蓋古人兄弟之義等於友朋而又重惜其行
役其何能已於言

春明門外樹蕭瑟已如斯其奈攀條處猶然對客垂西
風湘女浦落日竹王祠無限天涯意銷魂正此時

前指巴南柳黔行秋又殘一官分手易四海託交難東坡詩我年二十無朋儕當時四海一子由去鴈空餘影栖鳥自耐寒何年聽
夜雨遲爾復長安

八月二十九日同金圃耦堂寶所冲泉弟食鱸各

賦禁體七律一首

不倩吳娘所繪纖近來也學擘團尖余素不能擘蟹無多客裏

江湖意忽漫，尊前風雨兼。入手欲誇詩，骨健放饒翻。
覺酒杯廉重，陽有約提壺去。要趁山亭對菊，拈時有陶然亭登高之約

送冲泉弟出國門

與君及壯未輕離，此日能無淚灑衣。揮手始知行役苦，回頭畢竟宦游非。三年我亦宛同繫，萬里誰憐鴈獨飛。莫說歸期渺難定，尋常須不祝君歸。

寶所約九月二十九日城東看菊先期風雨恐同

人以此敗意詩來代柬，是日忽晴喜和元韻奉答。檐溜纔收日脚明，一城鄭重續詩盟。客能冒雨終殊俗，

頻羅庵遺集卷一

三

天爲看花也，世情歸路那愁騎。馬滑深杯莫惜共茶傾，
余不能飲故云此中未免懷人意。正帶霜寒落鴈聲，謂去秋同舍弟看菊

高氏園看菊四絕句

飄蕭一夜雨，餘風剛趁新晴過。郭東先問菊花無恙否，

今年秋老薄寒中

鄉心節物菊花時，客裏看花每恨遲。記得催租人敗意，

風前曾欠一年詩。去秋約賦詩不果

重堂清絕小廊紆，葉葉枝枝態自殊。翻笑南村太荒索，

亂頭粗服入時無

衝泥歸去日，趁西又向秋堂覓醉題。是日歸飲獨樹軒我是太

平庵裏客，今朝破戒擊團圞。

對鏡見白髭，有感却寄冲泉

年華三十早衰時，若較王郎白已遲。王彪之年二十白頭，恠爾細

塵枉如許不能染，却一莖絲

西風憔悴不堪論，鏡裏相看憶弟昆。絕似行人馬頭柳，無多絲又著霜痕。

翟錢江以詩遺龍井茶一器，用東坡和山谷雙井

茶韻爲謝

故人贈茶避俗士，故人贈詩勝異書。自言藏自春雨後，不肖道路羞明珠。詩情茶味清而腴，枯腸一宿雲煙如。

頻羅庵遺集卷一

三

問君胡不自煎，喫扁舟傲我錢唐湖。時錢江將歸

謝西隱寄惠洞庭碧蘿春茶，陳鳴遠製龔春壺

吾聞閔仲叔一片豬肝羞醃醢，平生嗜水愛別茶。重累

長鬚寄頻數，去年贈我能泖溪上之新芽。千里家山塵

夢續今年贈我莫釐峰頂之春蘿，青鷄緘封不盈掬。此

茶自昔知者希，精氣不關火焙足。蛾眉十五朵，摘時一

抹酥胸蒸綠玉，織桂不惜春雨乾。滿盞眞成乳花馥，佐

以龔春蓮子壺。認是前朝名匠琢，蠅頭署款小印蟠。如

錐畫沙鏤在腹，此茶此壺兩清絕。所得不翅兼隴蜀，空宵正要壓睡魔。瘦骨那愁消肌肉，怪君飲水是官聲。胡

不暇松聽茶熟自言局束簿書堆嗜好酸鹽許我獨鳴
呼君非安邑我非閑茶事累人差不俗

鐵畫并序

蕪湖鐵工湯鵬字天池鍛鐵作草蟲花竹及山
水屏障精妙不減圖畫山水大幅非積歲月不
能成其流傳者不過徑尺小景以木範之若琉
璃屏狀或合四面以成一燈亦名鐵燈每幅數
金一時爭購之鑪錘之巧前代所未有也湯亡
十餘年其法不傳今間有效之者已如張銅黃
錫之失其真矣

頻羅庵遺集卷一

古

石炭千年鬼斧截陽鑪夜鍛飛星裂誰教幻作繞指柔
巧奪江南鉤鑲筆花枝婀娜花璫瓏并州快翦生春風
菱叢蓼穗各有態絡絲細捲金鬚重雲匡鉅束垂虛壁
繭紙新糊爛銀白裝成面面光青熒樺燼蘭烟鑪不得
豪家一笑傾金貲曲屏十二珊網奇前身定是郭鐵子
近代那數緼冶師采繪易化丹青改此畫錚錚長不毀
可惜揚鉗柳下人不見模山與範水

子夜歌三首

蕩子不還家所思天一涯盈盈渡頭水瞥見菖蒲花
郎心如車軸提挈藉爾力妾心如車輪宛轉隨郎側

殘荷瀉涼露驚起鴛鴦眠如何舊時藕不比舊時蓮

題茅鹿門先生誠子書墨跡卷後

有明茅參議文學衆所仰今觀誠子書更識慈惠長稟
經以治民道莫先教養一從仕學廢簿書空吏鞅先生
憂憂言明若指其掌至性具悱惻揮灑絕摹仿瘦若枯
松枝謾謾風雨響又如虬龍形天矯出莽盪心畫繪心
聲斯人自天壤弓子必爲箕陶家乃有旅豈徒筆墨緣
直作宰牧榜流傳二百年肅然起遐想

題葉函齋同年得祖塋地記

山川孕靈壤埴分錯茫茫堪輿誰度誰作乃有孝子陟

頻羅庵遺集卷一

五

嶽尋壑思卜宅兆以妥以厝龜未墨食烏未巢幕或吉
或否上下求索靡有定向徒勞裔鏤施于文孫繼繼繩
繩卜云其臧不遠耶樊青瑀矯首素威衛垣朱味戢翼
黑喉蟠踞沙水縈抱理氣融溫一刹那頃端乾倪坤乃
知吉壤顯晦有時牛眠鹿起若或觀之人傑效靈以德
爲基保世滋大發祥在茲胡爲鵲突問青烏師

題盧抱經同年檢書圖

盧郎文史愛旁羅一卷丹鉛費校摩却怪人生眼如月
看他眉睫太忙何

廟市門攤每駐車十年辛苦俸錢餘而今鶴禁簪毫去

好就 君王乞祕書

天上歸來日過鋪亂書堆裏足清娛不知樺燭燒殘夜
可倩綵綾半臂無

宿讀攸之尚恨遲夜行如我亦堪嗤宅時許借春明宅
便擬酬君酒一鴟時將小宅故云

章約軒以宣德紙見贈報以明壬子年製赤管筆

一雙成二絕句

感君持贈意如何一幅分明似衍波却怪章郎鳳樓手
夢醒不寫曉寒歌

舍人下直事拈毫爲送文犀與赤刀試向景陵譚往事

頻羅庵遺集

卷一

美

楮先生是舊朋曹文犀赤刀並管上鐫字

題姚白河客牕聽雨圖

莽莽天涯秋雨餘先生閉戶獨看書今朝門外朝天客

猶向東家借蹇驢

耳根心地總秋空洗盡東華十丈紅底事評量今舊雨

青苔原不負詩翁

夜雨三年此地過披圖我更奈愁何移牀莫近梧桐樹

只恐秋生白髮多

王二癡畫冊雜題

高梧影橫橫長蘿聲變變古牆竹色陰瘦石鬼面立中

有苦吟人兩版晝長閨羈蟲斷續鳴有若相互答我來
風雨中虛堂開畫篋仰看潑墨雲靜閒打窗葉悲哉秋
氣涼此景誰與拾

人家茅屋住陂陀一磴寒烟鎖碧蘿記得春淙亭上坐
好晴山色雨聲多

三十六雙水鳥一百八箇春禽挂網蒲魚港靜機船楊
柳村深

板橋橋通遠近瓜皮艇任西東拍手夕陽歸去鷓鴣認
得谿翁

含象鑑歌 并序

頻羅庵遺集

卷一

三

唐司馬承禎鑄以進於元宗道藏國字函載含
象鑑圖經一卷始末詳吳郡陸某以五銖之

直易之都市陸好黃老之學被褐子其自號也

天台道士蓬萊客倒瀉頑銅鑄月魄金膏一點飛清光

千歲妖暮不敢蝕其博五寸厚五分圓規方鼻形象陳

布列八卦符道真環以雲物兼星辰一十六字小篆銘

始自天地終百靈誰其得之被褐子曾寫丹經學不死

市上還將碧眼留袖中忽訝金波徙揚州水心久淪墜

此鏡猶邀神物庇可惜當年鑄就時不與開元厭魑魅

望春宮外禍泉溫蝦蟇化作長虬奔至尊王母不知鑑